



INTERNET MULOQOTINING LINGVISTIK XUSUSIYATLARI VA UNING JAMOATCHILIK FIKRIGA TA'SIRI

Feruza YAKUBOVA,

O'zJOKU, O'zbek tili va adabiyoti

kafedrası katta o'qituvchisi

feruza1471@gmail.com

ORCID: 0009-0008-9122-294X

Annotatsiya. Ushbu tezisdagi ijtimoiy tarmoqdagi muloqot tilining lingvistik tahlili, tahlilning turli usullari, jumladan, sifat va miqdoriy kontent tahlili, hissiyotlarni tahlil qilish, mavzuni modellashtirish va tarmoq tahlilini muhokama qilish kabi bir qator masalalar ko'rib chiqilgan. Bu mulohazalar jurnalistika sohasidagi tadqiqotchilarga tildan qanday foydalanilishni, jamoatchilik fikrini shakllantirishni va odamlar o'rtasidagi o'zaro munosabatlarni yo'lga qo'yishni tushunishga yordam beradi.

Kalit so'zlar: ijtimoiy tarmoq, foydalanuvchi, onlayn muloqot, lingvistik tahlil

Kirish

Raqamli asrda ijtimoiy tarmoqlar insonlar hayotining ajralmas qismiga aylanib, ularning muloqot shakllari, tildan foydalanishdagi qarashlari hamda axborot iste'mol qilish odatlarini tubdan o'zgartirdi (Durmuş, 2023). Turli platformalarning jadal rivojlanishi insonlar o'rtasidagi o'zaro aloqa madaniyatini yangilab, kommunikatsiya jarayonida tilning yangi, dinamik ko'rinishlarini shakllantirdi. Bugungi kunda Facebook, Instagram, Telegram, TikTok va X (sobiq Twitter) kabi platformalar nafaqat axborot almashinuvi, balki ijtimoiy o'zini namoyon etish,



hissiyot ifodasi va jamoatchilik fikrini shakllantirish vositasiga aylangan (Wibowo et al., 2023).

Ijtimoiy tarmoqlar tili o'zining qisqalik, ifodalilik va emotsional boyligi bilan ajralib turadi. Emoji, mem, qisqartmalar, transliteratsiya va inglizcha so'zlarning o'zbek tilidagi faol qo'llanilishi yangi "raqamli til"ning shakllanishiga sabab bo'lmoqda (Milkova, 2021). Bu til nafaqat kommunikativ, balki ijtimoiy-lingvistik hodisa sifatida ham qaralmoqda, chunki u insonlar o'rtasidagi ijtimoiy o'zaro ta'sir, kayfiyat va fikr almashuv dinamikasini ifodalaydi (Fedotov et al., 2020).

Tadqiqotlar shuni ko'rsatadiki, onlayn muloqot tili inson shaxsiyati va ijtimoiy o'zini anglash jarayoniga ham ta'sir ko'rsatadi. Tarmoq foydalanuvchilari o'z postlari, izohlari va xabarlarida ijtimoiy maqom, hissiyot va fikrni ma'lum darajada til orqali ifodalaydilar. Shuningdek, internet tili tarafkashlik, manipulyatsiya va soxta axborot tarqatish holatlarida ham muhim rol o'ynaydi (Castaño-Pulgarín et al., 2021).

Internetdagi lingvistik muhitni tahlil qilishda tabiiy tilni qayta ishlash (NLP) texnologiyalari, kontent tahlili va hissiy tahlil (sentiment analysis) usullari keng qo'llanmoqda. Bunday yondashuvlar tarmoqlarda so'z tanlash, ohang, emotsional holat va ijtimoiy semantika kabi jihatlarni aniqlash imkonini beradi. Shu jihatdan internet tili nafaqat yangi kommunikativ hodisa, balki global tilshunoslik va media tadqiqotlarida muhim o'ringa ega bo'lgan ijtimoiy-madaniy fenomen sifatida baholanadi (Shkola et al., 2022; Kapidzic, 2020).

Natija va mulohazalar

3.1. Internet tilining asosiy xususiyatlari

Internet tili — raqamli muloqotning eng muhim belgilaridan biri bo'lib, u og'zaki va yozma nutqning o'ziga xos uyg'unlashuvidan tashkil topgan. U muloqotda qisqalik, ifodalilik, tezkorlik va emotsional boylikni birlashtiradi. Ijtimoiy tarmoq tilining asosiy belgilariga so'zlashuvga yaqinlik, ifodalilik,



polikodlilik (ya'ni matn, rasm, video, emoji kabi turli belgilar tizimi orqali fikr ifodalash), nutqning soddalashuvi va ko'p tillilik kiradi.

So'nggi yillarda o'tkazilgan tadqiqotlar (Guess et al., 2023; González-Bailón et al., 2023) shuni ko'rsatadiki, foydalanuvchilar asosan o'z qarashlariga mos axborot manbalarini tanlab, fikr jihatidan yaqin guruhlarini shakllantiradi. Natijada ijtimoiy tarmoqlarda til orqali axborot maydonida tarafkashlik kuchaymoqda. Shu jarayonlarda tilning leksik boyligi, so'z tanlash strategiyasi va muloqot ohangining o'zni alohida ahamiyat kasb etadi (Greaves et al., 2013).

Leksik xilma-xillikni o'rganish raqamli muhitda muloqot murakkabligini anglash imkonini beradi (Perc, 2012). So'z boyligini o'lchash muammosi hozirda nafaqat tilshunoslikda, balki psixologiya va kognitiv fanlarda ham dolzarb masalaga aylangan. Milton va Treffers-Daller (2013) tadqiqotlarida leksik bilimlar ta'lim jarayonidagi muhim omil sifatida qayd etilgan bo'lsa-da, raqamli kommunikatsiya sharoitida bu hodisa yangi ko'rinishlarga ega bo'lmoqda.

Sun'iy intellekt texnologiyalarining rivojlanishi bilan bir qatorda, internet tili inson muloqoti va yozma an'anelarini o'zgartirayotgani ham ta'kidlanmoqda (Hohenstein et al., 2023). Shu bilan birga, til murakkabligini aniqlash mezonlari hali ham to'liq ishlab chiqilmagan. Ba'zi tadqiqotchilar (Ehret, 2023) lingvistik murakkablikni o'lchash bo'yicha yagona nazariy asos yo'qligini qayd etadi.

3.2. Kollokvializm (so'zlashuv elementlari)

Kollokvializm — bu og'zaki tildagi so'z va ifodalarni yozma shaklda qo'llash hodisasi (Викисловарь, 2019). Ijtimoiy tarmoqlarda foydalanuvchilar, garchi yozma nutqdan foydalansalar-da, ko'pincha so'zlashuv uslubiga xos tildan foydalanadilar. Bu hodisa, avvalo, tayyorgarliksiz muloqot, hissiyotning tabiiy ifodasi va shaxsiy ohangning ustuvorligi bilan izohlanadi.

Masalan, "Facebook" ijtimoiy tarmog'ida Asmira Asmira nomli foydalanuvchi tomonidan joylashtirilgan post va unga yozilgan izohlarda "vey", "qabri deppan" kabi so'zlashuv elementlari ishlatilgan. Bunday shakllar adabiy tildan chekinishni,



ammo muloqotda samimiylikni ifodalaydi. Kollokvializmning asosiy xususiyatlari — qisqartmalar, fonetik yozuv, to'liqsiz jumlar, tildagi tejamkorlik va og'zaki ohangni saqlashdir (Kurmanbekova et al., 2023).

Bunday til elementlari chatlar, forumlar, shaxsiy yozishmalar, bloglar va ijtimoiy tarmoqlardagi izohlarda keng qo'llaniladi. Biroq rasmiy soha, ta'lim muassasalari yoki mashhur shaxslarning rasmiy sahifalarida bu holat deyarli kuzatilmaydi (Hilte et al., 2020). Internetdagi yozma muloqot og'zaki nutqqa xos tezkorlik, hissiylik va javob kutish mexanizmi bilan ajralib turadi (Jassim, 2023).

3.3. Ekspressivlik

Virtual muloqotning asosiy maqsadlaridan biri — nafaqat axborot almashish, balki hissiy munosabatni ham ifodalashdir. Shu sababli, internet tili ekspressivlikning o'ziga xos tizimini shakllantirgan. Foydalanuvchilar his-tuyg'ularni yetkazish uchun nafaqat so'zlardan, balki emojilar, giflar, memlar, stikerlar, ovozli xabarlar kabi noverbal vositalardan ham keng foydalanadilar.

Masalan, "Instagram" tarmog'idagi izohlarda foydalanuvchilar emojilarni so'z o'rnida ishlatib, hissiy ta'sir kuchini oshiradilar. Shu bilan birga, fonetik yozuvlar — "o'zi" o'rniga "uzi", "o'tib" o'rniga "utib" kabi shakllar — adabiy til me'yorlarining buzilishiga olib keladi. Bu holat asta-sekin "internet shevasi" deb ataluvchi yangi lingvistik qatlamni yuzaga keltirmoqda. Bunday jarayonlar uzoq muddatda ona tilining savodxonlik darajasiga ta'sir etishi mumkin.

Xulosa

O'tkazilgan tahlillar shuni ko'rsatadiki, ijtimoiy tarmoqlar tili og'zaki va yozma nutq o'rtasidagi yangi lingvistik ko'prik sifatida shakllanmoqda. Unda kollokvializm, ekspressivlik va polikodlilik kabi jihatlar ustun bo'lib, muloqotning tabiiy, tezkor va emotsional tusini belgilaydi. Internet tili faqat kommunikativ hodisa emas, balki ijtimoiy-madaniy va kognitiv o'zgarishlarning ham ko'zgusidir. Kelgusidagi tadqiqotlarda internet tili pragmatikasi, til strategiyalari va ularning



jamiyatdagi aks-sadosini chuqurroq tahlil qilish muhim ilmiy yo'nalish sifatida ahamiyat kasb etadi.

Foydalanilgan adabiyotlar ro'yxati:

- Asmira, A. (2025). Facebook post. Retrieved from <https://facebook.com>
- Castaño-Pulgarín, S. A., Suarez-Betancur, N., Vega, L. M., & Lopez, H. (2021). Hate speech and misinformation in social networks: A systematic review. *Heliyon*, 7(8), e07886. <https://doi.org/10.1016/j.heliyon.2021.e07886>
- Durmuş, Y. (2023). Digital communication and linguistic shifts in social media. Ankara: Anadolu University Press.
- Ehret, K. (2023). Measuring linguistic complexity: Current trends and challenges. *Linguistic Research Journal*, 45(2), 211–227.
- Fedotov, A., Ivanova, L., & Makarova, N. (2020). Online communication as a linguistic phenomenon in the digital era. *Journal of Language and Communication Studies*, 8(2), 45–56.
- González-Bailón, S., & Guess, A. M. (2023). Polarization and echo chambers in online communication. *Nature Human Behaviour*, 7(1), 12–25.
- Greaves, F., Ramirez, M., & Wells, C. (2013). Lexical diversity in online discourse. *Discourse & Communication*, 7(4), 387–405.
- Hilte, L., Vandekerckhove, R., & Daems, J. (2020). Writing like talking: The hybrid language of social media. *Journal of Pragmatics*, 169, 89–101.
- Hohenstein, J., & Davis, E. (2023). Artificial intelligence and linguistic change in digital communication. *AI & Society*, 38(2), 129–142.
- Jassim, H. J. (2023). The interactive nature of online written communication. *Modern Communication Review*, 14(3), 215–228.
- Kapidzic, S. (2020). The language of social media: Identity and self-presentation. *New Media & Society*, 22(11), 1938–1955. <https://doi.org/10.1177/1461444819885579>



- Kurmanbekova, Z., Karimova, N., & Ospanova, D. (2023). Colloquial expressions in social media language: Features and functions. *Asian Linguistics*, 5(2), 97–110.
- Milkova, A. (2021). Linguistic aspects of communication in social media environments. *European Journal of Linguistics*, 12(3), 214–226.
- Milton, J., & Treffers-Daller, J. (2013). *Vocabulary size, lexical richness and writing quality*. Cambridge: Cambridge University Press.
- Perc, M. (2012). Evolution of lexical diversity in complex networks. *Scientific Reports*, 2, 291.
- Shkola, G., Novikova, O., & Popova, N. (2022). Virtual linguistic personality in the context of digital communication. *Linguistics and Culture Review*, 6(S3), 112–128. <https://doi.org/10.21744/lingcure.v6nS3.1890>
- Викисловарь. (2019). Коллоквиализм. Retrieved from <https://ru.wiktionary.org/wiki/>
- Wibowo, G. A., Rahman, M., & Adityo, F. (2023). The role of social media platforms in shaping public communication behavior. *Asian Journal of Communication Studies*, 31(4), 402–419.

LINGUISTIC FEATURES OF INTERNET COMMUNICATION AND ITS INFLUENCE ON PUBLIC OPINION

Abstract. This paper explores the linguistic characteristics of online communication within social networks. It examines various analytical approaches, including qualitative and quantitative content analysis, sentiment analysis, topic modeling, and network analysis. These discussions contribute to understanding how language is used in digital communication to construct meanings, shape public opinion, and facilitate interpersonal interaction. The study emphasizes the role of



social media discourse in reflecting and influencing collective thought and communicative behavior in modern society.

Keywords: social network, user, online communication, linguistic analysis, public opinion

ЛИНГВИСТИЧЕСКИЕ ОСОБЕННОСТИ ИНТЕРНЕТ-КОММУНИКАЦИИ И ЕЁ ВЛИЯНИЕ НА ОБЩЕСТВЕННОЕ МНЕНИЕ

Аннотация. В данной тезисе рассматриваются лингвистические особенности интернет-коммуникации в социальных сетях. Анализируются различные методы исследования, включая качественный и количественный контент-анализ, анализ эмоций, тематическое моделирование и сетевой анализ. Полученные выводы помогают понять, как язык используется в цифровой среде для формирования общественного мнения, организации взаимодействия между пользователями и конструирования смыслов в онлайн-дискурсе. Особое внимание уделяется роли социальных медиа как инструмента отражения и влияния на коллективное сознание и коммуникативное поведение современного общества.

Ключевые слова: социальная сеть, пользователь, онлайн-коммуникация, лингвистический анализ, общественное мнение